



Q U Æ S T I O M E D I C A .

QUOD LIBETARIIS DISPUTATIONIBUS  
manè discutienda in Scholis Medicorum  
die Jovis 4. Februarii.

M. MICHAELE DE HODENCQ,  
Doctore Medico, Præside.

*An vita munia à Spiritibus?*

I.

**C**ORPORA præ cæteris apta pervadere,  
atque pervolare ad punctum temporis;  
hæc ipsa Medicis spiritus sunt, suæ tenuita-  
tis & pernicitatis ergo, stupendorum tot effectuum  
authores, qui à cælo summo ad imos usque terræ  
recessus observantur: His sine vel sublimiora non  
lucerent astra neque volverentur, ipsorumque sus-  
piciendorum voluptate nusquam recrearetur homo,  
à quibus habent animalia, plantæ, fossiliaque ipsa  
unde assiduè sustententur; diversis corporum quæ  
subeunt figuris ultro sese spiritus accommodant:  
variis hinc functionibus sufficiunt, quas perfectissi-

morum animalium vita multiplici sensu motuque promit. Hominis insuper actiones mentis intelligentiâ plenâ apertius multò declarant, ab iisdem spiritibus oriundæ, promovendæ, finiendæ.

## II.

**O**MNIUM & singularum ejusmodi functionum opificem qui solam judicat animam, credit is profecto quod ratione difficulter convincere potuerit; qui facultates assignat quibus ad operandum anima comparetur, suppellectilem is redundantem curat; qui spiritus authores agnoscit graviter, & acute Philosophatur. Quod in machinis illud ipsum hîc adverte. Pneumaticis, aut Hydraulicis instrumentis instructas eas habeto? Aliud ab aquâ, & flatu nihil omnino quærito? Alterutrius apparatusu Machinatio torquebitur; inopiâ, hærebit immota. Spirituum quod sufficit estò ad obscunda quotquot sunt vitæ munera, impulsores habes; adornatis eleganter instrumentis efficietur haud dubie, quidquid unicuique viventium generi specieique necessarios ad usus desiderari potuerit.

## III.

**Q**UODCUMQUE functionum exercetur in animalis corpore; hoc ipsum eo reducitur, ut vel quod utile est ingeri, vel quod inutile est noxiumve dimitti possit: eam ob rem quæ communis omnibus actio, quæ necessaria singulis, quæ omnibus voluntaria perfici debent, nullò interim aliò præfectò muneris organo quam spiritu; ille est

qui ad opera omnia continenter attentus singula corporis loca stationesque lustrat, huc quæ profutura sunt asportaturus, semoturus inde quæ nocitura; it ipse, reditque vias liberalem sui copiam faciens, vel propriâ sui ipsius jacturâ spretâ per eum unice sarcindâ. Cæterum eam œconomiam instituit, ut cui plus deest, plus quoque suppeditet; cui opus meliore fuerit, melius quoque largiatur.

## IV.

**E**XIMIUS iste *δνμωρρῆς* in functionum naturalium curam incumbens, primò quidem in ventriculum se plurimum effundit atque vicinas ipsi partes, fermentationis motu versaturus alimenta; quæ cum chylus facta fuere, versus intestina flectit, communem cogit in ductum, ad cor inde cum sanguine revertente commeat; quod satis est, moram postquam ibi fecit, sanguis ulteriorem ab opifice spiritu assequitur elaborationem, derivatur illico, ab eodem Machinatore deducendus quoquo versus. Porrò quod in sanguine purissimum est omne ad cerebrum rapi si putaveris, perperam judicas? Actiones mentis secretam revera postulant à reliqui sanguinis commercio materiam, quæ nihilominus à communi spiritu in impetu libera fuerit. Quidquod ciendo motibus Animalis destinatos spiritus, tam exquisitæ munditici esse, supervacaneum videtur.

## V.

**V**ERUM quod singularem spirituum operam probat, generationis opus est. Commixta

femina vix dum suscepta fuerunt in uterum; vigiliam continenter in muliebri corpore spirituum pars insignis eò confertim advolat, iis auxilium præstitura qui vel brevioris impatientes cunctationis admirabile corporis ædificium extruunt. Horum alii crassioribus feminum particulis sensim atque leniter amotis, vallò, fossâque cingunt, & muniunt alios, intimis atque gravioribus artificiis intentos. Mirari liceat, ita constitutum esse inter ipsorum singulos ordinem ut urgeatur quidem opus, nusquam nisi rariùs, ab artificibus autem quantum in iis est nullatenus interrumpatur. Inde fit ut designata semel corporis forma progressu temporis à spiritibus excitetur, atque ad sui descriptionem eleganter accommodata, iisdem ab architectis assignatur; qui ejus potestæ præsides Anima custodes futuri sunt, cujus fuère constitutores.

*Ergo Vita Munia à Spiritibus.*

Domini Doctores Disputaturi.

M. Claudius Biendisauf.

M. Claudius Guerin.

M. Claudius Germain.

M. Dominicus de Farcy.

M. Paulus Mattot.

M. Germanus Preaux.

M. Henricus Mahieu.

M. Carolus le Long.

M. Jacobus Renaud.

Proponebat Parisiis MICHAEL PICHONNAT,  
Stampanus, Baccalaureus Medicus, A. R. S. H. 1683.

Apud Franc. Muguet, Regis & Facultatis Medicinæ Typographum.

il y a dans le remail in folio des titres de la  
faculté tom VIII th-1683 une page pareille  
excepté que les mots præsides anima de l'avant  
dernière ligne sont ~~tranchés~~.